

# Adab dan Komitmen

# Menuntut Ilmu

Oleh : Norlela Kamaluddin

(Pensyarah Kanan ACIS UiTM Kampus Seremban)

## Pendahuluan


Adab dan menuntut ilmu tidak boleh dipisahkan seperti penekanan yang dibuat oleh Imam Malik RA: "Pelajarilah adab sebelum mempelajari suatu ilmu." Sehubungan itu, ilmu perlu dituntut dengan penuh adab demi meraih keberkatannya hingga pelajar bukan sahaja mendalamai dan menguasai sesuatu disiplin ilmu, bahkan bersifat merendah diri dan tidak sombong. Melalui adab yang dipelihara, akan terserlah kesungguhan dan usaha dalam menuntut ilmu dengan matlamat mendapat keredhaan Allah SWT. Ini menunjukkan adab belajar berperanan membentuk sikap atau komitmen positif pelajar terhadap menuntut ilmu.

Artikel ini akan menerangkan adab menuntut ilmu rumusan berdasarkan enam asas adab anjuran Imam Syafie.

## Konsep Ilmu dan Akhlak

Ilmu amat penting dalam Islam kerana dengan ilmu manusia dapat mengenal Penciptanya dan melaksanakan tanggung-jawabnya sebagai khalifah dengan betul. Allah SWT berfirman dalam Surah al-Zumar ayat 9 yang bermaksud: "Katakanlah: "Adakah sama orang-orang yang mengetahui dengan orang-orang yang tidak mengetahui? "Sesungguhnya orang yang berakallah yang dapat menerima pelajaran". Allah SWT juga memberi

jaminan akan mengangkat darjah orang yang berilmu seperti maksud firmanNya: "*Allah SWT meninggikan darjah orang-orang yang beriman di antara kamu, dan orang-orang yang diberi ilmu pengetahuan Agama (daripada kalangan kamu) dengan beberapa darjah.*" (al-Mujadalah: 11). Lantaran itu, Islam mewajibkan ke atas setiap individu untuk menuntut ilmu seperti maksud sabda Rasulullah SAW: "*Menuntut ilmu adalah satu kewajipan ke atas setiap Muslim.*" (HR. Ibn Majah).



Manakala akhlak pula adalah sebahagian daripada ajaran Islam, malahan ia adalah antara tujuan perutusan Rasullah SAW seperti maksud sabda Rasulullah SAW: "*Sesungguhnya aku diutus untuk menyempurnakan akhlak*

*mulia.*" (HR. Baihaqi). Ini menjelaskan bahawa setiap aktiviti manusia mempunyai nilai akhlak yang mesti dilaksanakan bagi melahirkan hasil sesuatu aktiviti yang cantik luar dan dalam.

## Enam Asas Adab Belajar Menurut Imam Syafie

ذكاء

- Kecerdasan
- Kuasa kognitif dan intelektual iaitu menggunakan meta kognisi dengan niat menuntut ilmu atau bahasa Arab kerana Allah Taala serta memastikan kuasa intelektual digunakan mengikut aturan syariat

جُرْحَصٌ

- Bersemangat
- Keterujaan dan keazaman iaitu melaksanakan segala bentuk usaha agar ilmu diperoleh atau bahasa dikuasai

اجتِهادٌ

- Kesungguhan
- Kegigihan iaitu usaha mencari faktor dalaman dan luaran yang boleh membantu penguasaan ilmu

دِرْهَمٌ

- Harta
- Kemampuan iaitu merujuk kepada kemampuan pelajar dalam usaha untuk mencapai ilmu

صَبْبَةُ أُسْتَادٍ

- Bergaul dengan guru
- Bimbingan pendidik, guru atau ibu bapa iaitu tidak meletakkan bahawa ilmu yang diperoleh adalah hak mutlak seseorang

طُولُ زَمَانٍ

- Waktu yang panjang
- Sepanjang masa iaitu berterusan mengaplikasi ilmu dan bahasa serta menjauhi diri daripada perkara yang sia-sia

Dimensi Adab Belajar	Elemen Adab Belajar
Adab Terhadap Ilmu	<ul style="list-style-type: none"> <li>➤ Tidak memandang rendah sesbuah ilmu terpuji</li> <li>➤ Tidak bosan dengan ilmu</li> <li>➤ Mencatat nota</li> <li>➤ Mengamalkan ilmu</li> <li>➤ Berkongsi ilmu</li> <li>➤ Menghormati bahan pembelajaran (buku, nota dll)</li> <li>➤ Jujur dengan hasil kerja</li> </ul>
Adab Terhadap Guru	<ul style="list-style-type: none"> <li>➤ Menghormati guru</li> <li>➤ Memanggil dengan sebutan/gelaran yang baik</li> <li>➤ Berhujah dengan hikmah</li> </ul>
Adab Dalam Majlis Ilmu	<ul style="list-style-type: none"> <li>➤ Melapangkan tempat duduk</li> <li>➤ Mengucap salam dan duduk di tempat yang disediakan</li> <li>➤ Tidak duduk di antara dua orang yang saling berdekatan</li> <li>➤ Mencari tempat duduk yang terdepan</li> </ul>

Dimensi Komitmen Belajar	Elemen Komitmen Belajar
Nota Pembelajaran	<ul style="list-style-type: none"> <li>➤ Memberi perhatian</li> <li>➤ Mendengar</li> <li>➤ Mencatat</li> </ul>
Latihan dan Diskusi	<ul style="list-style-type: none"> <li>➤ Semua latihan dan diskusi adalah penting</li> <li>➤ Melibatkan diri dalam semua aktiviti</li> <li>➤ Latihan dan diskusi tambahan</li> </ul>
Peruntukan Masa	<ul style="list-style-type: none"> <li>➤ Kehadiran adalah penting</li> <li>➤ Menepati waktu</li> <li>➤ Waktu bimbingan dengan guru</li> <li>➤ Mengulangkaji pelajaran</li> </ul>
Pelbagai Rujukan	<ul style="list-style-type: none"> <li>➤ Buku teks</li> <li>➤ Rujukan utama</li> <li>➤ Rujukan tambahan</li> </ul>

## Rumusan

Adab adalah hiasan sesuatu aktiviti yang tanpanya akan menjaskan matlamat aktiviti tersebut. Dalam konteks menuntut ilmu, ikhlas adalah adab utama kerana dengannya kita boleh memperolehi keredhaan, keberkatan dan rahmat Allah SWT. Seterusnya, diikuti dengan beradab dengan guru kerana mereka merupakan sumber rujukan dan sumber penerangan mengenai sesuatu disiplin ilmu. Matlamat menuntut ilmu berkait rapat dengan adab belajar kerana ia dapat meningkatkan komitmen individu dalam menuntut ilmu.